

Alþingi  
Kirkjustræti  
150 Reykjavík

Reykjavík 20. Mars 2018

**Efni:** Umsögn Félag múslima á Íslandi og Menningarseturs múslima um frumvarp til laga um breytingu á almennum heggingarlögum, nr. 19/1940 (bann við umskurði drengja), 114. mál

Umskurður hefur verið framkvæmdur í þúsundir ára sem partur af menningu frumbyggja í Ástralíu, Mið-Austurlöndum, Afríku og Ameríku og eru helstu ástæður umskurðar læknisfræðilegar, samfélagslegar og trúarlegar. Umskurður er mjög mikilvægur liður í Abrahamstrú þar sem trú kristinna, gyðinga og múslima er sprottin af. Múslimar og gyðingar hafa framkvæmt umskurð í þúsundir ára og samkvæmt gyðingatrú getur karlmaður ekki talist sem gyðingur nema með umskurði innan 8 daga frá fæðingu. Umskurður verður því að vera til staðar til að drengurinn sé samþykktur inn í trúna.

Íslam er ein af útbreiddustu trúarbrögðum heimsins og kallar Kóraninn, helgirit múslima, eftir því að fylgt sé gjörðum spámansins Abraham. Í trú múslima og gyðinga er sáttmáli sem gerður var á milli Abraham og Guðs þar sem Guð fer fram á umskurð og er mjög mikilvægt að því sé fylgt eftir.

Tilfelli umskorna karlmanna í múslimalöndum eru um 90 – 100% sem sýnir hversu mikilvægur og algengur umskurður er í heiminum.

Sá misskilningur um að umskurður drengja sé sambærilegur umskurði kvenna eða Female Genital Mutilation á sér enga stoð. Ástæður, athafnir og niðurstöður eru ekki sambærilegar og er því ekki hægt að skilgreina það sem sama hlutinn. Umskurður drengja er framkvæmdur einungis með hreinlæti og heilsu í huga en umskurður kvenna, sem hefur verið bannaður í mörgum löndum, er einungis gerður til að minnka lífsánægju þeirra.

Við sem foreldrar berum ábyrgð á velferð barna okkar og á meðan umskurður drengja eykur vörn þeirra viljum við gera það sem fyrst. Það er ekki rétt sem kemur fram í frumvarpinu að múslimar umskeri drengi við 10 ára aldur, heldur er reynt að gera það sem fyrst þegar börnin eru ung eða nýfædd til að koma í veg fyrir erfiðleika sem geta komið upp ef umskurði er seinna.


Sýnt hefur verið fram á að umskurður drengja getur spornað við kynsjúkdómum og öðrum sjúkdómum og teljum við, að verði frumvarpið samþykkt muni það auka áhættu á þessum tilteknum sjúkdómum.

Umskurður hefur ekki verið vandmál á Íslandi og ekki hefur verið sýnt fram á að það muni verða í komandi tíð. World Health Organization mælir með umskurði ef hann er framkvæmdur af læknum eða þeim sem hafa reynslu og þekkingu á því.


Í kjölfar frumvarpsins hefur skapast umræða í samfélaginu sem hefur orsakað klotning og eru nú múslimar og gyðingar litnir hornauga. Helstu fórnarlömb frumvarpsins eru þó börnin þar sem þau þurfa að líða mest fyrir fordómum samfélagsins.

Við teljum að frumvarpið brjóti á trúfrelsi einstaklinga og vegna þess gagnrýnum við frumvarpið harðlega. Verði frumvarpið samþykkt mun Ísland verða fyrsta land í heiminum til að banna umskurð drengja og verður það því einnig fyrsta landið til að úthýsa múslimum og gyðingum út úr landinu.

Virðingarfyllt



Sheik Salmann Tamimi,  
Formaður Félags múslima á Íslandi



Imam Ahmed Seddeeq,  
Forstöðumaður Menningarseturs Múslima